



## COVID-19 VACCINATION

# Wël bennëke yin ya guiëër wëël ye cölë AstraZeneca

## Wëël ye tuuom në koo gup ye cölë AstraZeneca

Acı piac yök ke wëël ye tuuom në koo gup ye cölë AstraZeneca, ee koo gäm tön de kä riliic, men ye kë yen rim duutiic në koo gup ku ye rim thii lo ɲolɲol (blood platelet) në guöp de raanic ya cök lo piny eyadëñ. Èkë yee wëël kënnë yiën koo aye cölë 'Thrombosis with thrombocytopenia syndrome (TTS)' në thonjë Liñëliith, ku ka ye geeric në Thuonjäh ke ye kë yen 'rääl yennë rim kuëër thii në guöp de raanic thiöökic'.

Koo ci ɲuëën kedhie aye keek wëei piöth biikkë röth ya cök tom keek në ye wëël kënnë. Wëël ye tuuom në koo gup ye cölë 'Pfizer' yennëke wëël pieth yee koo juëc ci ɲuëën kënnë run kee 60 guo dööt döc gam arëetic. Ku në thæe kök yiic, ke koo kök ci ɲuëën ɲoot ëke kënnë run kee 60 guo dööt aye röth cök tom keek eyadëñ në wëël ye cölë 'AstraZeneca'. Akoo ba ya jam wennë diktordu ago yin dhil ya kuony në këduöñ ca tak ke ba looi.

Wëël ye tuuom në koo gup ye cölë 'AstraZeneca' abi ya gäm koo diti ci run kee 60 dööt.

## Yeenö ye cölë "Thrombosis with thrombocytopenia syndrome" (men ye cölë TTS eyadëñ)?

Wët ye cölë 'Thrombosis' në thonjë Liñëliith, ee bi rim ya duöt në raan guöp.

Wët ye cölë 'Thrombocytopenia' në thonjë Liñëliith, ee bi rim thii lo ɲolɲol (blood platelet) në guöp de raanic ya cök lo piny agokë döñ ëke lik në raan guöp.

Kë ye cölë 'TTS' acii rot ye döc looi në koo gup, ku ëkënnë yennëka yennë yen lueel wu ke rëëc tön ye wëël ye tuuom në koo gup ye cölë AstraZeneca gäm koo. Na kënnë yekënnë rot looi, ke ka lëu bi raan ya cök ɲol wennë ka lëu bi raan ya cök thou. Kë ye cölë 'TTS' alëu bi rim ya cök dut nyin, men lëu bi rot ya looi në yään wääciic në guöp de raanic. Na ci ye wëël kënnë rimthi dhie lo nyin ɲolɲol (blood platelet) ya cök lo piny, ke ka lëu bi rimku ya cök kuëër piny arëetic. Acin kë ye wëël ye tuuom në koo gup ye cölë Pfizer rek kënnë TTS.

## Ye duöt de rim, men ye cölë 'TTS' rot looi në thaa yindë?

Acı guuel arëetic ke rim ye döc duöt në koo gup, në kë de 'TTS' në kaam de nin kee 4 yiic agut ci nin kee 42 yiic, të cennë raan toom në ye wëël kënnë, men ye rot looi arëetic të cennë raan toom në winhdeen tueñ në ye wëël ye cölë AstraZeneca kënnë.

### **Ye duöt de rim, men ye cölë 'TTS' röt döc looi?**

TTS acie röt ye döc looi. Aye thöönj emenë ke tuany kennë alëu bī raan 1-2 agut cī 100,000 de kōc cī keek wum/toom nē wēil de COVID-19 ye cöl AstraZeneca. Ku tēnnē kōc kēn run kee 60 dööt, aye thöönj ke dit nē kōc kaa 2-3 nē kōc yiic kaa 100,000. Ēciin cī thöönj ētēnnē ēbēn abi ŋot ke cōkēpiny agut bī wēl juēc yōk.

### **Nōŋ akut ye yōk ke lēu bī duöt de rim, men ye cölë 'TTS' ya döc ya tiaam?**

Duöt de rim, men ye cölë 'TTS' ee röt döc luōi kōc ke remthi, agut cī na cōk ya tō ke cī guēl ēyadēŋ tēnnē kōc ŋuān. Ēke ŋoot ke kēnku kōn nyic men nōŋ en tuanytuēeny kōk peei ye rim cōk dut nē kōc gup. Kōc ye rithāc looi aŋoot ēke guik yekēnnē yic.

### **Yee kā yīndē kee ye duöt de rim, men ye cölë 'TTS' nyuōoth nē kōc gup?**

Duöt de rim, men ye cölë 'TTS' alëu bī kee kā cī keek gōör piiny ētēnnē ya cōk nyooth rōth:

- A ŋarnhom ye raan kuem nhom arēētic, men:
  - Ye rēer nē raan guōp nē nīn kee 2 yiic, tē cennē yen toom nē wāl
  - Ciē jāl nē raan guōp tē cōkē raan dek nē wēl ke akuemnhom
  - Ye röt jol juak arēētic tē cennē raan tōc piiny
- Ye raan gām aŋōōk
- Cīi raan ye cōk daai apiēth cī men thēer de
- Cīi raan ye cōk jam apiēth cī men thēer de
- Ye raan cōk dōm nīn
- Ye raan riir nhom
- Cīi raan ye bēer cōk wēēi apiēth
- Ye raan gāām tōōk de piōu
- Ye raan but cōk
- Ye raan kuem yic arēētic
- Ye rim thii kōk cōk bō bei nē nīm thāär nē ye tē cī toomic kennē.

Na ca tōŋ de kee kā cī keek gōör nhial ētēnnē yōk nē yī guōp wennē tēnōŋ raan thiāāk kennē yīn, tē cennē week toom nē ye wēil de tuany ē COVID-19, ke yī döc nīmīra de 000 ya yuōpic nē ye thaa thiin kennē yic ku duōnnē kōn gāäu ba yekēnnē ya looi.

### **Ye piath de wēil ye cölë AstraZeneca dīt awār kārēc lēu bī keek ya yīēn kōc?**

Ee yic. Kēpiēth bīi ye wēil kennē döc ya gām kōc yennēka dīt awār kārēc bī keek ya yīēn kōc, tē ye keek kōc cī ŋuēēn wēnthēer, men yee tuany ē COVID-19 keek döc dōm.

### **Ku na ye raan kēn run kee 60 dööt ku yīn cī gōör rin ke yī toom nē doorduōön tueeŋ nē ye wēil kennē ye cölë AstraZeneca?**

Na cī yīn gōör rin ke yī bī toom nē doorduōön tueeŋ nē wēil ye cölë 'AstraZeneca' ku yīn ŋoot ke yī kēn run kee 60 guō dööt, ke yī jaamē wennē dīktordu. Aalëu bikkē yīn ya kuony nē tēēk de kōōl bennē yīn lo toom nē yen.

### **Ku na cī yīn toom nē doorduōōn tueeŋ nē wēēl nē wēēl ye cōlē AstraZeneca ku kōōr bī yīn bēer lo toom nē doorduōōn de rou?**

Kājuēc cī keek guēel ke TTS kedhie aye rōth looi tē cennē raan toom nē doordeen tueeŋ nē wēēl de tuany ē COVID-19 ye cōlē 'AstraZeneca'. Na cī kā rilic cī rōth kōn luōi yīn nē doorduōōn wāān ciēēn cennē yīn toom nē wēēl ye cōlē 'AstraZeneca', ke yīn lēu bī yīn bēer ya toom nē doorduōōn de rou ke yī cīī kōn bēer diēer, agut cī tē kēn yīn run kee 60 dōōt.

### **Bī tuōm bennē raan ya toom nē wēēl ye cōlē AstraZeneca ya piath kennē raan yennē rimke nyīn dōc duōt wēnthēer?**

Na cī rimku kōn duōt wēnthēer, wennē ye rōt yōk ke rimku alēu bikkē dōc ya duōt, ke yīn bī ya ŋōot ke yī bī ya tom nē wēēl ye cōlē 'AstraZeneca'. Acīn kē ye yen nyuōōth nē yemēen wu na cī rimku kōn duōt wēnthēer, ke kaa bī bēer ya lo duōt nē kē de TTS tē cennē yīn toom nē wēēl ye cōlē 'AstraZeneca'.

### **Na kōōr ba wēl juēc kōk peei yōk**

Na ŋōŋ kē kōōr ba thiēēc nē kē de wēēl ye cōlē AstraZeneca, ke yī jaamē wennē dīktordu, lo nē wēbthait kennē yic [www.health.gov.au/covid19-vaccines-languages](http://www.health.gov.au/covid19-vaccines-languages), wennē yuōpē nīmīra de National Coronavirus Helpline nē 1800 020 080. Na kōōr kuōōny de agamlōŋ bennē wēl kōōr keek ya geer yiic nē thoŋ ba ya piŋ wennē bī yīn waar thok, ke yī yuōpē nīmīra kennē yic 131 450.